

(4) *Orandum est non in nomine proprio, ut intueri nos velit Deus, quales simus, aut qualem adepti simus famam nomenque, sed in solo Dei nomine: Joh. xvi, 23. Dan. IX, 17.*

USUS E VERSU VI.

(1) *Anima nostra refectio & impinguatio ex solâ proficitur divinâ gratiâ: vers. 4. hæc suavior adipe, imò vitâ ipsâ: hæc satiamur verè pleneque.*

(2) *Laus nostra versari imprimis, imò unicè, debet circa Deum ac divina opera, v. g. creationis, gubernationis, redemptionis, &c. Cuncta illa celebranda labiis non invitis, semiapertis, sed cantantibus &c. vid. præc. II.*

USUS E VERSU VII.

(1) *Recordandum est Dei interdium ac noctu; tam in lecto, quam conclavi, apud domesticos, extraneos: ne unquam obrepit oblivio acceptorum accipiendorumve, ne unquam vilescat quotidianum, &c. L. de Ingratu.*

(2) *In fratro nostrò observanda religiosa puritas ac Dei veneratio, non spurca libido, &c.*

(3) *Vigilia nocturna non sint sine piis meditationibus.*

USUS E VERSU VIII.

(1) *Deus auxilium non fert, instar hominis, sed ipsemet est auxilium, vita ac bonum nostrum summum.*

(2) *Tuetur nos potenter, jucundè, salubriter, instar volucrum, pullos sub alis foventium, defendentium, &c. L. de providentiâ.*

(3) *Cantanda hæc Dei bona jugiter.*

USUS E VERSU IX.

(1) *Adhærendum Deo, etiamsi carendum sit templo. Joh. IV, 23. I. Corinth. III, 16. De unione animæ nostræ cum Deo, vid. L. de Fide, ecclesiæ communi- one, &c.*

(2) *Sustentamur à Dei dextrâ, quoties aliàs nos prosterneret Satan, mundus atq. caro propria. Hic viret confert, intellectum novâ luce illustrat, voluntatem susci- tat, &c.*

USUS E VERSU X.

(1) *De insidiis alterius vitæ structis, præc. V.*

(2) *Pœna crudelium & immiserordium erit atrox: Jac. II, 13.*

(3) *Non tantum mors instat horribilis, nec non corruptio in sepulchrò; verum ipsi infernalis cruciatus, tanquam in terræ voraginibus infimis: Luc. xvi, 15.*

USUS E VERSU XI.

(1) *Mors violenta, v. g. per gladium, funem, i- gnem, &c. pœna loco non rarò contingit Dei piorumque hostibus: Jerem. xii, 9. xxii, 19. Psalm. xxxv, 5. LV, 24.*

(2) *Sepulchri privatio itidem mundanis grande de- decus ac pœna: 2. Reg. IX, 35. I. Reg. xiv, ii. xxi, 19. quanquam tale quid si contingat Christi confessio- bus, in gloriam potius ipsorum cedat, utpote quorum ossa custodit ipse Dominus Pl. xxxiv, 21. conf. Pl. LIII, 6. CXXI, 7.*

(3) *Qui vulpinam imitantur indolem, (Luc. xiii, 32.) vulpium in morte fiunt pabulum, imò vulpibus ce- dunt infernalibus in prædam.*

USUS E VERSU XII.

(1) *Gaudium nobilissimum ac vere regium percipi- tur in solo Deo. Rom. V, 1. XIV, 17. Jes. LXI, 10.*

(2) *Juramentum species divini cultus & obsequii. Absint ex piorum ore nomina Jovis, Herculis, &c. v. præc. II.*

(3) *Gloriandum non in caducis, sed in supremo Na- mine proprio: I. Cor. I, 30. Jer. ix, 23.*

(4) *Esto, valde cruciemur calumniatorum mendati- umque lingvis, serò tamen imminet horummet obtura- tio: Psalm. CXL, 12. Sirach. XX, 27.*

PSALMI LXIV. DISPOSITIO.

Mores persecutorum. Lingva dolosa.

Est hîc I. Dei imploratio: ubi (1) gene- ratim petitur *exauditio*: v. 1. [2] *speci- atim, vitæ conservatio contra hostes ter- ribiles*: ibid. & *occultatio contra maleficos*, vers. 3. qui describuntur (a) à clandestinis machinationibus: (b) crebris conspira- tionibus: vers. 3. (c) à linguâ maledica, v. 4. (d) læsione sincerorum subdola ac pla- ne protervâ: v. 5. (e) maleficientiâ obfir- matâ: v. 6. (f) infidiatione temeraria: ib. & v. 7.

II. Pœnarum hostibus impendentium prædictio: [1] *Deus eosdem feriet*: v. 8. (2) *Plagæ ipsorum similes erunt sagittæ subite*: ibid. (3) *Lingva propria prosterneat ipsos*: v. 9. (4) *Spectatores attoniti diffugient*: ibid.

III. Subsequens piorum exhilaratio: (1) *Omnis homo intuebitur*, v. 10. [2] *Opus hocce Domini predicabit*: ibid. (3) *factum ejus intel- liget*: ibidem. (4) *Justus in Domino letabitur*: v. 11. (5) *in ipsò confidet*: imò (6) *omnes recti corde gloriabuntur*: ibid.

PSALMUS LXIV.

EXPLICATIO VERSUS I.

Psalmus:) quomodo Rabbini de Da- niele etiam allegoricè hunc capiant Psalmum, vide *Mus f. 324. ad h. l.*

EXPLICATIO VERSUS II.

audi:) cum in ærumnis Deus piorum

videatur abjecisse curam, aut instar dormientis statum eorundem ignorare, iccirco ante omnia *Audi* exoptant, uti constat ex Psalm. XVII, 6. XXVII, 7. &c.

in oratione mea gemebundâ:) vel querulâ, aut, quando commemoro calami- tates meas; quod mundanis aliàs fastidium crea- re solet haut exiguum, ut proinde vel silenti- um